

Ho ipiletswa ho balefalekgetho ho lefa makgetho a bona ho SARS bekeng ena

Erekaha selemo sa ditjhelete sa pokello ya lekgetho se fihla pheletsong bekeng ena, Ditshebeletso tsa Lekgetho tsa Afrika Borwa (SARS) di hlwaile kgwedi ya Tlhakubele ho ba e hlokolosi hore balefalekgetho le bahwebi ba etse ditefo tsa bona tsa lekgetho le tsa bolaodi ba meedi mmoho le tsa dikoloto tsa lekgetho le tsa bolaodi ba meedi ka la kapa pele ho letsatsi la ho qetela la kgwebo kgweding ena, e leng Labone la 28 Tlhakubele 2024.

Ditsela tsa tefo

Ditefo tsa lekgetho di ka etswa ka tshebediso ya banka, phetiso ya matlole ka tsela ya elektronike (EFT), ka eFiling kapa SARS MobiApp. Ditefo tsa Bolaodi ba Meedi le tsona di ka etswa ofising efe kapa efe ya Bolaodi ba Meedi ya SARS. Ho bohlokwa hore balefalekgetho le bahwebi ba phethahatse ditransekshene tsa bona tsa tefo ka nako ya dihora tsa tshebetso ho dumella ditheo tsa dibanka ho lokollela SARS ditefo tsena - ona ke mohato o hlokehang ebang tefo e etswa ka tsela ya eFiling le MobiApp. Dipotso tse mabapi le dibalanse di ka etswa ka ho kopa seteitemente sa akhaonto ho eFiling kapa SARS MobiApp kapa ka ho romela SMS ho SARS ho 47277.

#MarchPriorityMonth #YourTaxMatters

E ntshitswe ke: Ditshebeletso tsa Lekgetho tsa Afrika Borwa

Dipatlisiso: sarsmedia@sars.gov.za